

凡例

一、譜法莫善於歐蘇歐譜世系圖自一世至百世可系而昭穆井然不紊蘇譜上自高曾祖父下至子孫曾玄可次而長幼秩然有序故近日修譜者遵二家多兼用之今我族五修族譜自受姓始祖以至各始遷祖用蘇式自各始遷祖以后用歐式由一世至五世爲一圖再提六世至十世二爲圖推之三四五六等圖亦如之自上而下直書父子自右而左橫書兄弟絲聯繩貫一循永叔之法

一、修譜所以聯宗族我楊氏星羅棋布派別支分舉以受姓祖杼公爲始祖分者合之固得譜法但丁數既多五世則父子遠隔不相聯貫難以披尋故今各房世系俱分圖合之既共爲一譜分之又各自爲譜較便觀覽而於譜亦未爲失

一、古之作譜者書字從間具系迹而已生年十無一二歐蘇譜可徵下至明中葉猶然世之蔽者乃曰以嫡相承而仍其闕非譜也淤是以遠末裔孫爲數百年祖先虛置誕節忌辰月而日之是作僞也原譜則無此弊故明以前列祖多未書生歿者今仍之若近代之人其本末昭然可考者亦不容過略故書行書名書字書號書爵書生年死書某時歿幼死者書殤無嗣者書止葬址相連者夫婦書合葬兄弟書并葬卑傍尊者之墳書附葬書葬處地名山向其葬在別邑者則書葬某縣在本邑則否惟始遷之祖書葬某邑以明遷移所自始

一、書前朝祖先歿俱載明朝代本朝人則必標出公元字至人名字號有犯祖先之諱者旁支姑從寬嫡派必避之若本支內名字或有重複歿者仍之生者易之年長者仍之幼者易之有爵者仍之無爵者易之旁注原名某以備查考

一、有爵者官名用大書字號用小注未成名者派行用大書小注止書字而不書號今世俗亦有書號者仍不盡拘配用大書歿葬則皆小注復注子女幾人其現在生育者不注多寡女未嫁者書名既嫁者書適某再適者止書前夫姓名若受聘而未嫁者書字某婿之貴顯者并書其官爵紀外戚重名器也

一、妻有原繼嫡庶未娶書聘已娶書配繼室女者書繼配非室女則書續娶妾書側室中有异母兄弟則書某子某氏出至排行則以年之長幼爲序蓋庶民之家妻分大小子無嫡庶也或有既聘之妻未娶而卒則書初聘某氏以別於既娶者若出婦嫁婦無子者不書有子則于某氏下夫在而出者注出字夫亡而嫁者注再樵字蓋有子不可以無母也而生歿葬所則仍削之

一、譜法重繼絕不論應繼愛繼與歿后立繼者俱於本生父名下書子某出繼兄弟某繼父名下書子某入繼兄弟某第幾子凡承繼必辨其昭穆相當不得貪產爭繼挾嫌阻繼如委系承繼無人亦可權爲雙桃至撫養异姓及娶婦帶來子女者舊譜均不書今因政府婚姻法和計劃生育條例系治國基本國策法令森嚴勢在必行任何人不得阻撓并執行晚婚晚育男到女家女到男家聽其雙方自願一對夫妻一個孩男

一個樣 不容許超生和早生否則將受到政治上經濟上的各種處罰所以乃有終年無子者多有招贅或撫養異姓者或入繼外甥外孫者我族內亦有之故此次修譜姑從權變不忍視其無后也有女無子且尚未婚配者其 長女與子同等看待列于同派行列之中

一、獨子雙桃者大宗兼小宗生歿年月注本生名下照例本生父母丁憂三年於兼承宗祧父母降服期年小宗兼大宗生歿年月注大宗名下照例丁憂三年本生降服期年小宗兼小宗生歿年月注本生名下照例丁憂三年於兼承宗祧父母降服期年內不準應試出仕其平日應試報捐三代仍填本生父母

一、族內子孫有隨母嫁去致冒他姓者或出繼他姓爲人后者或入贅他姓者仍書本生父母下示歸宗據也有遷徙他處不知所往者書外出冀其或來歸也有定在者則書遷居某省某縣俾子孫可以追溯本原也剃度者不書自絕於祖宗也先世被斥子孫能改過者錄之開自新之路也

一、雙生子書學生免同年日時懷疑也

一、卒而無子者於者名下注止字以杜妄冒若舊譜未止者今雖子孫莫考正恐寄寓他鄉何忍令其失原則亦如紀錄不得漫書止字至於殤丁有上殤中殤下殤無服之殤不等長子雖殤次子仍書次明有兄也長殤當生子之期必書止字若中下無服之殤亦不必書止字也

一、族内有全忠孝大節與志潔行芳好善樂施者及婦人之貞烈節孝者皆據實詳書以爲后人勸惟現在之人不書其德行以蓋棺方能定論也

一、記傳論贊及壽序壽說皆表揚善行之作擇其辭旨雅馴不爲虛譽者登載以示風歷至文辭浮淺褒美失實者則不書也

一、譜內避諱字樣悉遵功令敬避